

VENDIM
Nr. 882, datë 30.10.2015

**PËR MIRATIMIN E KALIMIT TË PRONËSISË SË DISA PARCELAVE
NDËRTIMORE NË FAVOR TË POSEDUESVE TË OBJEKTEVE INFORMALE**

Në mbështetje të nenit 100 të Kushtetutës, të nenit 17, të ligjit nr. 9482, datë 3.4.2006, "Për legalizimin, urbanizimin dhe integrimin e ndërtimeve pa leje", të ndryshuar, të shkronjës "ç", të nenit 4, të ligjit nr. 7980, datë 27.7.1995, "Për shitblerjen e trojeve", të ndryshuar, dhe nenit 163, të ligjit nr. 7850, datë 29.7.1994, "Për Kodin Civil të Republikës së Shqipërisë", të ndryshuar, me propozimin e ministrit të Zhvillimit Urban, Këshilli i Ministrave

VENDOSI:

1. Sipërfaqet maksimale, për të cilat miratohet kalimi i së drejtës së pronësisë mbi parcelën e ndërtimit pa leje, të jenë sipas listës emërore dhe evidencës që i bashkëlidhet këtij vendimi.

2. Numri i parcelave ndërtimore dhe sipërfaqja e përgjithshme e truallit për secilin qark janë, si më poshtë vijon:

a) Qarku Durrës, 106 (njëqind e gjashtë) parcela ndërtimore, me sipërfaqe të përgjithshme trualli 41 908 (dyzet e një mijë e nëntëqind e tetë) m²;

b) Qarku Elbasan, 28 (njëzet e tetë) parcela ndërtimore, me sipërfaqe të përgjithshme trualli 6 744 (gjashtë mijë e shtatëqind e dyzet e katër) m²;

c) Qarku Lezhë, 144 (njëqind e dyzet e katër) parcela ndërtimore, me sipërfaqe të përgjithshme trualli 36 424 (tridhjetë e gjashtë mijë e katërqind e njëzet e katër) m²;

ç) Qarku Kukës, 52 (pesëdhjetë e dy) parcela ndërtimore, me sipërfaqe të përgjithshme trualli 14 891 (katërmëdhjetë mijë e tetëqind e nëntëdhjetë e një) m²;

d) Qarku Fier, 1 (një) parcelë ndërtimore, me sipërfaqe të përgjithshme trualli 500 (pesëqind) m²;
dh) Qarku Tiranë, 62 (gjashtëdhjetë e dy) parcela ndërtimore, me sipërfaqe të përgjithshme trualli 14 297 (katërmëdhjetë mijë e dyqind e nëntëdhjetë e shtatë) m²;

e) Qarku Shkodër, 46 (dyzet e gjashtë) parcela ndërtimore, me sipërfaqe të përgjithshme trualli 7 771 (shtatë mijë e shtatëqind e shtatëdhjetë e një) m²;

ë) Qarku Korçë, 1 (një) parcelë ndërtimore, me sipërfaqe të përgjithshme trualli 15.3 (pesëmbëdhjetë pikë tre) m²;

f) Qarku Gjirokastrë, 5 (pesë) parcela ndërtimore, me sipërfaqe të përgjithshme trualli 1 758 (një mijë e shtatëqind e pesëdhjetë e tetë) m²;

3. Ngarkohet Agjencia e Legalizimit, Urba-nizimit dhe Integritit të Zonave/Ndërtimeve Informale për kryerjen e procedurave të kalimit të pronësisë së parcelave ndërtimore të objekteve informale nga shteti te poseduesit e ndërtimeve pa leje.

4. Deri në momentin e regjistrimit të ndërtimit të legalizuar, zyrat vendore të regjistrimit të pasurive të paluajtshme të mos kryejnë ndryshime të gjendjes juridike të pasurive të listuara në këtë vendim.

5. Ngarkohen Ministria e Zhvillimit Urban, Ministria e Drejtësisë, Agjencia e Legalizimit, Urbanizimit dhe Integritit të Zonave/Ndërtimeve Informale dhe Zyra e Regjistrimit të Pasurive të Paluajtshme për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama